

Q. B. V.

DISSERTATIO GRADUALIS,
DE
**VITIIS LITE-
RATORUM**
IN
EXCOLENDIS LINGUIS,

*Suffragante Ampliss. Senatu Philos. in Regia
Academ. Aboensi,*

SUB PRÆSIDIO
*VIRI MAXIME REVERENDI & CELE-
BERRIMI,*

**MAG. JOHANNIS
HAARTMAN,**

Log. & Metaph. Prof. Reg. & Ordinarii,
h. t. RECT. MAGNIF.,

Ad publicum Examen modeste defert,
ALUMNUS REGIUS

ANDREAS D. BRAUNER,
Calmariensis.

Ad diem **Junii** Anni **MDCCXXXII.**
Loco & Horis consuetis.

S:æ R:æ M:tis
MAGNÆ FIDEI VIRO,

REVERENDISSIMO

PATRI ac DOMINO,
DOMINO

HERMANNO
SCHRÖDER,

*S. S. Theol. DOCTORI
CELEBERRIMO,
Inclitæ Diœcœsos Calmariensis*

EPISCOPO
EMINENTISSIMO,

Consistorii Ecclesiastici

PRÆSIDI

GRAVISSIMO,

Gymnasii Regii Scholarumq;

EPHORO

ADCURATISSIMO,

MÆCENATI MAXIMO.

Quod. Splendidissimum. Thum. No-
men. Tenui. Huic. Dissertationu-
culæ. Præfigere. Ausus. Sim.
Fecit. Ille. Favor. Singularis. Quo.
Honestos. Forum. Conatus. Qui. Lite-
ris. Operam. Navant. Nullo. Non. Tem-
pore. Fovere. Promovereque. Soles. Quo.
Et. Ego. Fretus. Tibi. Me. Simul. Ac. Fortu-
nam. Meam. Commendatam. Volo. Cui.
Benignam. Nec. Voluntatem. Nec. Facul-
tatem. Deesse. Satis. Superque. Scio. Am-
plexere. Idcirco. Serena. Fronte. Queso.
Exiguum. Hocce. Mimusculum. Quod.
Tibi. in Submissæ. Pieque. Mentis. Pi-
gnus. Certissimum. Cum. Calidissimo.
Voto. Ult. Supremum. Numen. Servet.
Te. Ingens. Ecclesiæ. Lumen. Salvum.
Et. Incolumem. In. Seros. Felicesque.
Annos. Consecratum. Cupio.

Reverendissimi Nomi- nis Tui

Cultor & Cliens Humillimus,

AND. D. BRAUNER.

*VIRO Admodum REVERENDO atq;
PRÆCLARISSIMO,*

**M A G . E R I C O
F L E E G E ,**

*PASTORI in Rimitto longe meritissimo,
adjacentis Districtus Præposito Adcura-
tissimo , Affini Honoratissimo, omni
animi veneratione suspicio.*

*SPECTATISSIMO ac PRUDEN-
TISSIMO VIRO ,*

**D N . G I D E O N I
HIELLMAN ,**

*Regiae Admiralitatis, quæ Caroli Coronæ est, à Ra-
tionibus probatissimo, Affini Perdilecto.*

VIRO Prudentia & Integritate Spectatissimo,

D N . CAROLO WIENS ,

*Officinae Ferreæ ad Österby Directori Adcuratissi-
mo , Fautori Certissimo.*

*I*n documentum grati & observantis animi pro-
cum hocce Exercitium cum ardentissimo omnige-

Admod, Rev. & Specta-

Observantissimus

AND. D.

Plurimum REVERENDO atq; CLARISSIMO VIRO,

**Dn. ANDREÆ
SWEBILIO,**

PASTORI in Ahreby & Hageby
Dignissimo, Avunculo Optimo,
pia mente æternum
Colendo.

*SPECTATISSIMO atq; PRUDEN-
TISSIMO VIRO,*

**Dn. JOH. WILHEL.
BOGMAN,**

Regiae Admiralitatis Caroli Coronæ ad Cameram
Militiæ Navalium Secretario solertissimo, Af-
fini Carissimo.

VIRO Fide & Industria Spectabili,

Dn. LAUR. BERGH,
Inspectori Sollertissimo, Fautori hono-
rando.

egregiis prorsus in me collatis beneficiis Academi-
næ felicitatis prosperitatisq; voto dedicat & offert.

tiss. Nominum Vest.

cultor


BRAUNER.

Philosoph. Candidaten Serr ANDREAS BRAUNER.

Hos alla Folkeslag, bör ju red'lig wänstap vara
 Ett band, som binder hoop all' Hiertan
 lif' som ett,
 At när ens wålgång spörs, the andre samlig swara:
 - Os gläder thetta mehr, än thet os sielswa stedt.
 Kan nu så allment slut för allom them tå giöras,
 Som funna sammanstå i en Regerings kropp,
 Bör tå thet hierta en af häftig glädie, röras,
 Som ser thens Glädie. Sol på Him'len stråla opp,
 Hwars hierta man har rönt i wänstap til sitt brinna
 Och ifrån Barna, åhr thermed i wänstap fråde
 Samt hållit för frögd / at til then Graden hinna/
 Then theras Fåder ha' i wänstap, för them nädt?
 Ach! jo, jag hördt med frögd af ryhtet kring omföras/
 At I Ehr andra prof med Snille wisen fram,
 Nr färdig låta Sinn', ja Blod och Åvor röras
 Us glädie öfver Ehr, som en brär från Ehr stan.
 Wälkommen Heders. Dag, GUD låt Ehr Lager
 Gröna!

Som blomstras snart, gie feucht til sena winter tid/
 Ja, Him lens HErr Ehr med ymnog Nåd bekröna/
 Bör Dygd, för red'lighet, för m��da, swett och jd!

Önskas af
Des trogne Män.
JOHAN. von STROKIRCH.



D. D.

§. I.

Ingvarum studium quam jucundum sit utile atque necessarium, nemo, nisi qui solo sermone à brutis differt, ignorat; quippe quod instrumenta nobis subministrat, quibus pretiosissimos sapientiae thesauros effodere, liquidissimos eruditionis fontes exaurire, crassamque, in qua nascimur, barbariem expellere queamus. Veritatem, quæ in aliorum scriptis, præcipue exterorum, latet, quis alias eruere potest, inque suos usus convertere, quam lingvarum cognitione munitus. Qui lingvas callet ipsa sacra-

A rum

ruin quoque pandectarum adyta penetrare, & ex ipsis fontibus ea, quæ ad salutem suam spectant, haurire potest, quæ alii, non nisi magno cum labore, quærunt ex rivulis; impari etiam fructu. Verum enim vero, ut nihil tam jucundum, utile ac necessarium est, quin abuti eo queamus; ita justum licet sit lingvarum pretium, & cultura earundem valde necessaria, non raro tamen accidit, ut minus haec suis locis probari queat. Quod fit, cum homines inepte atque morose illis harent, & fines decentes vel negligunt vel transgrediuntur. Unde delabuntur in via, de quibus in præsentiarum aliquid differere constitui; favorem autem Tuum B. L. ambio, ut, si desiderio Tuo minus satisfecero, pro Tuo candore ignoscas & juvenilibus hisce conatibus adsis æquus arbiter.

§. II.

Ad lingvas in genere quod attinget, observavimus jam, quod nihil aliud sint, quam instrumenta, seu media, per quæ in cognitionem scientiarum utilium veniamus, & commode in societate civili vivamus. Et hic est ille finis in quem sunt addiscendæ. Qui proinde magis in eas studium, & uberioris temporis spatium, confert, quam ad hunc finem obtinendum necessarium sit, nimio laborat studio, & vitii notam non effugiet, quoniam omne nimium vertitur in vitium. Ut enim ille viator ad propositam metam non pervenit, qui tantum in parandis & contemplandis vehiculis tempus consumit, non sollicitus quomodo in usus illa adplicare & accommodare queat; ita nemo ad propositum eruditionis scopum pervenit, qui perpetuo haeret in consideratione instrumentorum, nisi adplicantur ad solidam rerum

cognitionem. Perpetuus putamini admirator & scrupulosus spectator nunquam dulcedinem nuclei degustabit; cupiens itaque esse nucleus confringet putamen. Qui linguis plus justo immoratur, & verba tantum formulasque perpetuo crepat, nunquam ad veram rerum & scientiarum cognitionem deveniet.

§. III.

His prælibatis, prono, quod dicitur, alveo fluit, hujus vitii culpam incurrere quoque eos, qui ut lingvam sibi familiarem, constituerent primævam, lites in hunc usque diem agitarunt acerrimas, cum fructum ex ejusmodi altercationibus orbis literatus adhuc videbit nullum. Nec melius sibi consulunt illi, qui, ut evitarent incommoda, quæ ex lingvarum multitudine sunt nobis, lingvam quandom

dam universalem meditati sunt, illamque possibilem crediderunt, & in characteribus huic lingvæ inservientibus, excogitandis operam suam collocarunt. Nam præterquam quod ferendum sit æquo animo nobis, quod evitare non possumus, & jam advertamus sapientiæ summi Creatoris, ut tutò credimus, placuisse, laudes suas variis lingvis ac dialectis cani, difficilis istiusmodi lingvæ universalis applicatio conatum illorum irritum reddere potis est. *Sane*, inquit Morhofius, (a), qui *lingvam universalem moliuntur, in vanum omnes videntur laborare: nam lingua ab uno homine conficta, utut speciosa & in rationibus philosophieis fundata, nullum habet usum, nisi impetrari consensus possit, immo & in characteribus excogitandis, nemo bactenus ita felix fuit, ut ab aliis suos receptos viderit.* Taceo eos, qui ex confusione Babelica certum lingvarum numerum determinare

audent, hocque nimium suam produnt arrogantiam. *Certum enim numerum lingvarum constituere impossibile est, & de divisione ac confusione earundem cogitare & se torquere inutile.* (b).

(a.) *In Polybistore Tom. II. lib. IV. Cap. 11. §. 5.* (b.) *Cellarius in Dissert. de fatis latinæ lingvæ.*

§. IV.

Alii ex nimio in suam vernacula m zelo, reliquas omnes vili pendent, & nihil nisi domi natum, veneratione dignum existimant; alii peccant ingratitudine, qui, ut apud nos corruptus ille mos invaluit, quam primum liberi fari incipiunt, Germanicam, Gallicam vel quamvis aliam addiscendam curant, sua neglecta, adeo ut crescentibus annis, peregrinis linguis scite loqui norint, vernaculam vero, ut indignam rejiciant, & perpetuæ man-

mandent oblivioni. Recte ne an
seus judicent alii. Ad priores
quod attinet, ego quidem omnes
errare credo, vel ex præpostero
lingvarum studio, vel etiam præjudi-
ciis. Habet enim sua elogia Svecorū
rum, habet Græcorum, habet Germanorum,
habet Gallorum, ha-
bent omnes & singulæ lingvæ.
Sapiens in omnibus, mirabilem
aliquando deprehendet concentum
utut dissonum forte interdum;
omnibusque suas laudes, nec ulli
præ altera lauream concedendam
esse crebet. Sufficit omnes aptas
esse, ut iisdem DEI cantentur lau-
des; Salus æterna annuncietur
suis, & hominum societas confir-
metur. Nec lingvæ hebrææ vitio
verti debet parvus radicum nume-
rus, seu quod una vox plures ha-
beat significationes. Notum enim
est, orientales pro calore climatis
celerrimam amasse pronunciatio-
nem, ideoque gestu & agitatione

manuum locutos esse , & cuilibet vocabulo pro conditione rei , distinctionem à reliquis significationibus gestu addidisse , ut auditori adeo familiare fuerit ex gestu rerum vocis sensum cognoscere , ut lectori ex contextu .

§. V.

Ut vero in addiscendis lingvis , unusquisque , ad vitæ genus , cui se dicavit , ante omnia respiciat , necesse est , ita qui pluribus se obruit , quam huic fini conducunt , nimo laborat studio . Qui præter vernaculam , lingvam latinam , Græcam , Hebraeam & ceteras ad conversationem & commercia cum suis finitimis instituenda , didicit , satis , qui in sacris operari cupit , in lingvarum studio se profecisse credat . Reliquæ utpote Samaritana , Persica , Turcica , Celtica & ejusdem generis aliae quibusdam

tan-

tantum profunt. Fateor quidem Pentateuchum lingua Samaritana exaratum inveniri, sed num ne solam hanc ob caussam omnes tantum temporis huic lingvæ impendant? Præcipue cum adeo corruptus sit, ut sæpe sacris fontibus contradicat, ut dudum observarunt eruditi. Sunt & alii qui Rabbinicam, Syriacam & Arabicam inutilibus hisce lingvis adnumerare non dubitant, & hoc rationibus haud contemnendis. (C). Rabbinicam vero omni carere usu non ego dixerim, at eam tempus laboremque ei impensum per omnia non reprendere semper, est quod firmissime mihi persvasi. Quantum juvat scire ritus & antiquitates Judæorum & sententias Rabbinorum, quas & sine illorum scriptis hodie perspicere nobis integrum esse videtur: tantum nocet, memoriam vanam scientia fabularum, commentorum, ejusque generis cimeliis, one-

rare & loco rerum utilium refer-
cire. Ad Syriacam quod spectat &
Arabicam, num & illæ cultoribus
suis per omnia satisfaciant, aliis di-
judicandum relinquo. Vide, si
placet, nuper citatum auctorem.
At, dicis, multa in versionibus istis
reperiuntur, quæ ad illuſtranda ea,
quæ in sacris literis subobſcura vi-
dēntur, faciunt? Respondeo: Dul-
cius ex ipsis bibuntur fontibus
aqua. Licet ita videantur, cum
autenticæ non fint, nemo in ipsa-
rum verba jurare audet. Caute
hic agendum, ne fontes sacri, qui
tantum Θεοπνευſias honore gaudent,
aliquid patiantur, quod certe fit, si
meliora in aliis nos fine ratione in-
venturos speramus. Si mediis her-
meneuticis recte utamur, omnia è
fontibus adeo clara evadunt quod
ad essentialia attinet, ut clariora è
rivulis quærere fruſtraneum, immo
absurdum fit.

(c). Vid.

(c) *Vid. auch. Anonym. in der Kunst, bald, leicht und recht gelehrt zu werden.*
Franckfurt 1712.

§. VI.

Sed objiciant nimium lingvarum studiosi: in plurium lingvarum cognitione solida consistit eruditio, quare si illa reprobetur, etiam hanc improbari necesse est: verum fallunt & falluntur. Solida enim eruditio in cognitione rerum ad felicitatem cum rei publicæ, tum sui ipsius spectantium, earumque dijudicatione consistit. Non qui multas calluere lingvas, sed qui eas, quas callent, recte didicere & in usum contulere, eruditorum in numerum, & qui bono publico profuerunt, relati sunt. Hæc si perpendent, facile nobis consentient, quod lingvas non propter se, sed

propter aliud discamus. Et si in cognitione multarum lingvarum omnis sita esset eruditio , quid de antiquis Græcis Romanisque , quos artium & scientiarum parentes, principesque nobis venditare solent, sentendum? quibus tamen miraculi instar erat, homo duarum lingvarum peritus. (d). Quid de Judæorum Rege , quo non sapientiorem vidit mundus, qui tantam rerum naturarium, aliarumque maxime utilium scientiam hauserat, ut etiam in sacris literis inde encomia meruerit, licet destitutus multiplici lingvarum cognitione. Reddat ergo unusquisque sibi familiares eas lingvas, quæ necessario ad finem propositum conducunt , licet paucæ illæ sint, & in rectos usus convertat ; si postea plures pro conditione rerum & status addere integrum sit, non repugnabo.

(d.) Galenus II. de differentia pulsuum.

§. VII.

§. VII.

Ad lingvas apud nos cardinales in specie transituris, postulat ordinis ratio, ut à lingva nostra Svecana initium faciamus. Dendum autem est, quod quævis alia magis quorundam arrideat palato quam nostra propria, quo fit, ut, si vel plane non contemnatur, valde tamen depravetur. De Romanis scribit Valerius Maximus, quod,, amore vernaculæ adeo religiosi fu,, erint, ut Græcis nunquam nisi lati,, ne responsa dederint, eosque cœge,, rint per interpretes loqui coram se,, natu. (e). Aliter apud nos fieri quotidiana testatur experientia. At alterutra ex parte ne quid nimis, non improbamus eorum industria, qui in lingvanostra emenda, da operam collocarunt; sed venera, mur, &, ut pergere velint, opta,

mus. Sed cum in orthographia,
verborum positu & literarum scri-
ptione , nec non vocum derivatio-
ne, nimium sumus scrupulosi , ni-
mio peccamus studio. Bene equi-
dem est, & egregium scriptionis
ornamentum sine vitiis orthogra-
phicis aliquid literis mandare , sed
in illo hærere ridiculum , immo no-
xiū esse nemo negabit. Inutili-
bus enim hisce qui immoratur, medi-
tationes utiliores & quæ ad rem ma-
gis faciunt vel amittit vel perdit fa-
cile. Credunt alii paupertati lin-
gvæ Svecanæ esse succurrendum, aut
ornamenti quid conciliandum ,
quando varia peregrina & ex alio-
rum linguis mutuò sumta vocabula
eidein imminiscunt: at frustra ; non
enim tam egena est vernacula no-
stra , ut ejusmodi assumentis eam
ornare opus sit, quod ii probè no-
runt, qui eam recte callent. Quin
potius efficitur, ut sermo noster,
seu

seu pallium mendici variis pannulis
versicolor adpareat , & inde exte-
ris seu incultus suboleat.

(e.) *Val. Max. lib. II. Cap. 2. p. m. 140*
& 141.

§. VIII.

Nec illi ab omni vitio eximen-
di erunt , qui florem adolescentiæ ,
vigorem memoriæ & pretiosissi-
mum vitæ spatium , in addiscenda
tantum lingua Romana consumunt .
Stetit ea multis sententia , ut qui eam
non sciat & perspectam habeat exa-
ctissime , nec eruditus haberetur .
Hinc tot vastæ & obscuræ regulæ , re-
gularum exceptiones , ad exceptiones
notæ & observationes , non sine
plagis & vibicibus pueris inculcan-

dæ, tot amplissimi etiam auctores explicandi & percurrenti, neglecto stili & sermonis exercitio. Et si stili habetur aliqualis ratio, fit illa imitacionibus, in quibus phrases auctoris & locutiones nobiliores consarcinantur sine respectu ad numerum & justam rerum verborumque connexionem. Quæ sola certe non promovent lingvarum studium, sed remoram in pluribus injiciunt. Manu & ore si excercentur pueri, & non tam diu in solis regulis grammaticis, immo in ipsa tantum lectione & explicatione hærerent, longe majores, minori temporis spatio, progressus facerent. Non aliter ac lingvæ Gallicæ studiosi, quos uno videmus anno adeo exercitatos evadere, ut eam prompte loqui possint. Qui certe non perpetua multorum auctorum lectione, & phrasium excerptendi studio, sed conjuncta, cum continuo loquendi & scriben-

bendi exercitio, lectioneque auctorum, illum sibi habitum paravere. Sed lingvæ latinæ studium decem, quindecim, immo viginti annorum spatium sibi vindicat, cuius jacturam demum cognoscitur, cum ad superiores facultates aditus patescit.

§. IX.

Romanam excipit lingva Græca. Habent etiam hujus lingvæ studiosi, quod non bene per omnia sapit. Scilicet, quando lites de rebus lingvæ græcæ pronunciatione inter eruditos spargunt, quæ tanta felicitate agitatae fuerunt, ut ferme totas respublicas in hunc disputationis gyrum traxerint, haud memoris, quod altera sine dubio in antiquæ Græciæ finu obtinuerit, & altera temporibus magis deperditis &

subjectis Romanorum imperio Græcis, successerit, ^{etiam} supervacanea formatione nominum, verborum & regularium accumulatione sese obrunt. De verbis anomalis, variis græcorum dialectis & accentuum fede, antiquitate & utilitate plus justo sunt scrupulosi. Quibus omnibus, pomis quasi aureis, discendi cupidi, à scopo detinentur, impediuntur; & quibus multi perterriti pedem ab hoc studio retraxerunt. Judicio aliorum relinquo, annon melius sibi prospicerent, si ejusmodi quisquilias seponerent; attendenter solum modo paucissimas illas radices, qvæ à vulgari flectendi modo paululum recedunt, inspiciondo quibus modis & temporibus convenient, & pretiosissimum tempus in varios & quidem præstantissimos auctores perlegendos impenderent, & ex illis eligerent optima, usque re-

receptissima observarent. Certè feliores in his progressus facerent, & non inciderent in regularum inutilium Scyllam, nec definitionum obscurarum & terminorum charybdim. Sed cum in lectione auctorum scrupulosos omnium minutissimarum etiam rerum scrutatores se præbent, solicè omnia resolvunt, utilia & minus utilia, phrases excerpunt, & in qualibet voce emphasisin quandam latere sibi perfruadent, nimium operantur in lingvæ studio, nec damna inde oriunda evitare queunt.

§. X.

Qui in lingva hebræa, sacros fontes aperiente, laborant studio, in duas abeunt classes. Prima illorum est, qui vix primis, ut ajunt,

labris hebræorum lingvam degustavere, ad facilem & solidam ejus notitiam celeri statim pede progredi amant. Altera eorum, qui jam dum lingvam perspectam habent, ad pleniorum tamen & interiorem ejus cognitionem adspirant & criticos se gerunt. Priores statim tirones extractione radicum onerant, labor qui multum sane in lectione prima impedit. Obruitur enim memoria illorum multis terminis & vocum cognitione supervacanea, quæ ex lectione continuata clarius, immo facilius & ordine meliori patescunt. Saniori consilio hæc relinquisimus proiectioribus ætate, quibus jam dum principia & fundamenta lingvæ in paradigmatis patent. Posteriores vero in radicibus investigandis plus justo solliciti, credunt omnium vocum necessariam esse radicem, literis radicalibus propriis constantem; cum tamen multæ sint

voces, quarum nunquam existit radix. Hinc in extremum currentes aut radices fingunt, & quidem obsoletas, aut in castra aliorum transiliunt. At, radices obsoletæ & inusitatæ, termini sunt obscuri & barbari, quos ignorare melius est: Nec illos semper secure agere, qui ex aliis linguis radices de promere in deliciis habent, ex superioribus colligi potest. Taceo illos, qui in conficiendis multis regulis & formationibus in hac etiam lingua nimium fuerunt seduli, omnia, immo minutissima, sub regularum imperium revocanda esse credentes. Quibus verba Buxtorfii opponimus: *Danda in primis opera, ut modus discendi magis magisque illustretur, labor minuatur, industria augeatur & excitetur, tanto facilius lingua addiscetur, quanto precepta fuerint absolutiora.* (f). Improbandus etiam eorum est nimius labor, qui ubicunque allegorias,

as, & in omnibus singulisque vocibus, præter intentionem Spiritus Sancti, emphaticas quærunt dictiones: sensum hac ratione non erunt, sed inferunt, non sine summa sacri textus injuria. Plura de his, qui cupit, adeat Glassium. (g). Dannhaverum. (h). Aliosque.

(f). In *Præfat. ad Thesaur. Grammaticum.*

(g). In *Philol. sacra.* (h). In *Hermetica sacra.*


§. XI.

Incommoda & damna, quæ ex inani hocce lingvarum studio in rem publicam eruditam redundant, varia sunt, præcipua tantum notabimus. Primum est temporis jactura pretiosissimi, maximum sane ex eo scaturiens damnum. Lingvæ sunt,

sunt, ut supra monuimus, vehicula scientiarum & instrumenta, quibus ad eruditionem penetramus; ergo non plurimum studiorum nostrorum tempus iis impendendum, sed scientiis reservandum. Arcto huic nexu jungitur *secundum*, nempe neglectus rerum. Cum in externis vocibus & terminis plerumque supervacaneis plus justo hærent animi, a seriis avocantur & utilioribus rerum studiis. Via ad veram eruditionem præcluditur, quod non sine gemitu tum demum, quando specimen aliquod eruditionis edere cogimur, cognoscimus sentimusque. Accedit etiam *tertium*, quod in schoulis, nimio lingvarum studio vexati, odium in lingvas, ceteraque literarum studia concipient, recedant & nunquam ad plenam eruditionem perveniant. Quarto loco adducuntur à quibusdam λογομαθεῖ in foro disputantium, quæ aliquando nullum

lum alium , quam inae illud in linguis studium , fontem agnoscunt . Hinc tot fuitiles saepe controversiae , summa animorum contentione agitatae sunt , quibus carere poterat orbis eruditus , salva tamen omnis eruditionis laude . Plurimae etiam inter eruditos rebelliones , ne quidem a novitatis studiosis essent motae , nisi nimium occasionem praebuisset id genus lingvarum studium . Sed manus de tabula ; aliis majori eruditionis suppellectile , librorumque ad paratu instructis uberiorem hujus materiae deductionem relinquentes .

S. D. G.



Zil.
Sin förtrognna Wän,
Herr A N D E R S
B R A U N E R

Swad Skahl förutan fierna är,
Thet tomt ett Språk och vara plåt,
Som ej rör Sakjens qwicka.
Att toma Läten utan Bett
Å Skahl, ther man ej fierna sedt,
Thet wijsas här til pricka.

* * * * *
Min Wän, som redet sådan sak,
Och ty har fått then rätta smak
Af Lärda Slögders fierna,
Hos Er ej wettet stadinat har
Bid bara torna gomen qvar;
Er Pallas ålskar gierna.

* * * * *
Herr C A N D I D A T, min wärde Wän
Bland them jag måst har pröfwar än,
Jag wil af hiertat vissa
Zil Eder wärda mackra frans
Just all then heder, lycka, glans,
Hvar med Er Att fått grönka.

J. COLLIN.

БЯУНІЯ
БЯУНІЯ

ІІІ ГІЛДІЯ
СТАВРІЯ
ІІІ ГІЛДІЯ
ІІІ ГІЛДІЯ
ІІІ ГІЛДІЯ
ІІІ ГІЛДІЯ

ІІІ ГІЛДІЯ
ІІІ ГІЛДІЯ
ІІІ ГІЛДІЯ
ІІІ ГІЛДІЯ
ІІІ ГІЛДІЯ
ІІІ ГІЛДІЯ

ІІІ ГІЛДІЯ
ІІІ ГІЛДІЯ
ІІІ ГІЛДІЯ
ІІІ ГІЛДІЯ
ІІІ ГІЛДІЯ
ІІІ ГІЛДІЯ

ІІІ ГІЛДІЯ